

Guangjisi Minzcu Bau

ganhhau: CN45-0036 B.2016 Nd.10 Ng.26 liggaeuq bingsaen nienz ndwengouj ngeihroek

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3246期

Yungzsuij Yung H Lai Cungj Banhfap Gaem Ndei Hong Swnjcienz Dinfwngz Minzcu

融水多举措抓好民族手工艺传承工作

Yungzsuij Myauzcuz Swciyen yung h lai cungj banhfap baujhoh caeuq hwngfat dinfwngz conzdungj siujsoq minzcu, aeundaej cingzci haemq ndei.

It dwg banhfap beizyin. Yen cwngefuj gak mizgven bumwnz doenggvaq gij fuengsik caeuq hezvei, gizez lienzhab, gyalai beizyin dinfwngz minzcu, cungdenj beizyin gij saekdiuh dap-boiq, genj baengzsiuq, cauhoq leih-yung h daengj fuengmienh, daezsang gij suijsingz dinfwngz dajsiuq. Doengzseiz ciuq vunz bae son, gyalai beizyin lauxsouj dajsiuq bujdungh caeuq bouxyaez dajsiuq, guhhung aendoih. Gaenh geij bi neix daeuj, aen yienh neix minzcunghgiz, yinzsegiz, fulenz daengj bumwnz gungh haiguh

lauxsouj dajsiuq dinfwngz beizyin 21 geiz, 1050 vunzbaez, dajsiuq beizyin 29 geiz, 1550 vunzbaez.

Ngeih dwg laebcaez ndei gihdi. Laebbaenz le aen hezvei dinfwngz minzcu mehmbwk, seizneix hezvei gaenq miz mehmbwk bouxdaiqdaez guh ndaej saeh, rox guh saeh, guh baenz saeh 204 boux, cauylaeb dajsiuq, nyumxromj daengj minzcu dinfwngz fwnzgguh gizez, hozcozse 21 aen, banhfap gak cungj rauh iq dinfwngz beizyin 2000 vunzbaez, daiqdoengh fanh lai boux guh minzcu dinfwngz canjnieb hwngfat. Yen minzcu vunzva bozvuzgvanj laebhwnj aen-cueng langhbaij guh goenhsoij ngaenz, hawj hekyouz caendang daejniemh, roxyiuj gij ginggvaq baenzlawz guh

goenhsoij ngaenz. Aeu gij dinfwngz fwnzgguh gunghyibinj siujsoq minzcu dawzhaej minzcu vunzva haeuj hagdangz sonhag neiyungz bae. 20 aen yanghcin laebbaenz vunzva cauxeiq cin'iq, aeu conzdungj fwnzgguh gunghyibinj caeuq doxgaiq vunzva guh cauhoq yenzgiu haifat, swnjcienz vunzva bonjdieg.

Sam dwg ndei gai. Doenggvaq denswj sanghvu hwnjlaeb denswj siugai bingzdaiz, gya' gvangq roenloh siugai huq ranzdajsiuq. Youq gingjih gajgez diemqbouq, bangcoh de langhbaij, siugai. Gaenxmaenx haeujcoengh camgya gak cungj hoihlanghbaij, aeu langhbaij ciepinghdan.

(Cinz Cunghdwz/陈忠德 Moz Siujlenz/莫小莲)

Sanhgyangh: Seizcou Byahaeuxnaz Bizbwd Mbanjmyauz Angqhoh Fungsou



三江:金秋稻鱼肥 苗乡喜丰收

10 nyied 23 hau, Sanhgyangh Duncuz Swciyen Fuluz Myauzcuz Yangh Fuluz Cunh banhfap ciet byahaeuxnaz byasang, vunzlai dangdieg caeuq hekyouz nem vunzmbanj mbanj henzyawj caez ring bya doengzcaez daejniemh gij vunzva byahaeuxnaz nyuenz miz neix, caez-yienj fungsou angqyangz. Gaenh bi neix daeuj, aen yangh neix yung h gij fuengsik reihnaz bauguh riuzcienz, dajcauh Gai Betbak diegguhyienh ndaem haeuxnaz ciengx bya, dawz naz cuengq hoengq haenx yung h hwnjdaej. Ciuq doengjgeiq, aen diegguhyienh neix byahaeuxnaz bingzyaenz canjlieng dwg moix moux 40 goenggaen, moix moux souhaej ndaej 1000 maenz baedauq. Ndaw doz dwg vunzlai Mbanjmyauz cingq ring bya.

(Gunj Yicungh/滚亿忠)

Fuconh Daegsaek Canjnieb Bang Vunzlai Mbanjyauz Laisou Vut Gungz

富川特色产业助瑶乡群众增收脱贫

Gaenh geij bi neix daeuj, Fuconh Yauzcuz Swciyen aeu hwngfat iengangq dangguh hangh ginghci canjnieb youqgaenj bouxgunnaz vut gungz baenz fouq, nungzyez laisou he, yung h gak cungj banhfap, sonyinx gujli vunzlai gaenxmaenx hwngfat iengangq canjnieb, gya' gvangq diuz roenloh vunzlai laisou, gyavaiq doidoengh yamqdin cingcinj bangrex daengx yienh, rengzbang vut gungz gunggeng.

Vih coicaenh daengx yienh iengangq maenhndei, gauhyau hwngfat, Fuconh mboujduenh gyahung ak

nungz leih nungz cwngezw ligdoh, vih ranz ndaem ien daezhawj doxgaiq swngchanj, nem conhyezva ganq golwg, gihgi dajndaem, gangq hawq, faengaep daengj fugsah, doengzseiz lij vih ranz ndaem ien cawx nungzyez baujiemj, baujiemj cwzyin baugvat fwnhung, raemxrongz, raemxdumh, rumzhaih, doek lwgbag, mbwnnit, mbwnrengx, nonhah daengj fuengmienh, gyangqdaemq gij yungyiemj bouxgunnaz ndaem ien, gikfat le gij yiedcingz vunzlai nem miz mbangj cingcinj bangrex doiqsiengq ndaem ien. Bi 2016 daengx yienh seizcin

ndaem ien mienhcik 2.39 fanh moux, ranz ndaem ien 1860 ranz. Seizneix, cingq dwg seiz soucawx iengangq Fuconh, daengx yienh hong soucawx iengangq cingq gaenjcieng miz bouhloh guh, daengz seizneix, daengx yienh gungh soucawx mbawien 32428 rap, soucawx soqcienz 3737.6 fanh maenz. Iengangq canjnieb vih vunzlai Mbanjyauz daiqdaej souik gig ndei, ndaej haenh baenz "vuengzgim" canjnieb bouxgunnaz laisou baenz fouq.

(Dwng Vangzyi/邓黄玉 Vangz Yiyungz/黄玉荣)

SIUSIK DINJ

简讯

● Mboengqneix, Lungz-linz Gak Cuz Swciyen youq Dwngoz Cin Dwngoz Cunh Lungzdung Dacai banhfap Myauzcuz dajsiuq beizyin-banh, 60 lai boux bouxyaez dajsiuq Myauzcuz daj Lungzdung Dacai nem mbanj henzyawj daeuj haenx camgya beizyin. Gyoengq yozyenz nyinhnaeuz beizyin gig miz yung h, ndaej ik lai, maqmuengh gvaqlaeng lailai banhfap. Caemhcai naeuz yaek dawz gij bonjsaeh hag ndaej haenx son hawj vunz henzyawj, daiqdoengh caezgya cauhib baenz fouq.

(Dauz Dwzgvangh)

● Bineix daeuj, Vujmingz Gih haenqrengz doihengz "danggeiz daiqlah hawvangi Mbanjcuengh" densangh vunqsik, damqra dajcauh gij densangh fugsah bingzdaiz, densangh fugsah dihi caeuq densangh banggunz canjnieb gig miz daegsaek Mbanjcuengh haenx. Saedhengz "vangidoxlien + " daegsaek canjnieb banggunz hanghmoeg, gyavaiq dajcauh "it cin it nieb" "it mbanj it yienh" daegsaek canjnieb.

(Veiz Li' gyauh Veiz Vwnzyi)

● Gaenh bi neix daeuj, Hwngzyen gaenxmaenx senhconz dajcauh "vamaedlaeh Hwngzyen" binjbaiz, aeu vangidoxlien doidoengh vamaedlaeh cazmaedlaeh canjnieb saedyienh dohyenzva swnggaep hwngfat, haenqrengz doicaenh gajgwz cauhoq, aeu "sei aen daengzvi" bang doi vamaedlaeh binjbaiz hwnjguh, rengzrwd doidoengh ginghci gwnzbiengz hwngfat.

(Cinz Souvanh)

● Bineix doxdaej, Gunghcwnz Yauzcuz Swciyen Lenzvah Cin gig yawjnaek dajndaem daegsaek doxgaiq reihnaz, seizneix gaenq dajndaem gvadiuq, godaengngoenz daengj daegsaek doxgaiq 1000 lai moux. Doenghgi daegsaek doxgaiq reihnaz neix mboujdan ndaej hawj hekyouz yawjgonz, lij ndaej gunghawj hawciengz dem.

(Couh Binjciuh Cinz Linz)